
Kangikhitjuaa

NUNAVUNMI IQALUKHIURNIRMUN QAUYIHAIJTUTIKHAMUT UMIAKHAQ

Iqalukhiurnirmun qauyihaitjutikhamiut umiakhaq ihuaqhiutiniaqtuq Nunavutip qauyihaitjutikhainut angikliyuumilugu, qayangnaqtumik qauyihaitjutikhamik aulattaaktumik tamainni Nunavutip nunangani tariumi hinaani immakni tamainni Ukiuqtaqtumi tariumi ukiungani. Marukni ukiuni kaangikhimayuni hulilukaarutait havaktauhimayut Kavamanga Nunavutip Havavianit Iqaluliqinirmut Nattiqhiurnirmullu unalu Nunavutip tigumikatigiigutait tatja qauyihaitjutait ihuangittuq qauyihaiyakanut piyumayamingnut tahapkununga Nunavutip hinaani iqalukhiurutainut.

Kavakatigiigutait uuktukhulik ukunanga Kavamanginnit Kanatami Nunavunmilu pitjutiginiaqtaat nappaktirilutik tamayaniklugulu nutaaq qauyihaitjutikhaq umiaq qauyihaivigilugu ilitaqhinahugittamingnik ikayuutigilugu ihuaqtunik pivalliatjutikhanik iqalukhiurnirmun munarinirmullu tariumi avatingnut. Nanminiriniaqtaat Ukiuqtaqtumiittunut, atuqtaulunilu Ukiuqtaqtumi.

Kanataup kavamanga ikayuutigiliqtaat \$1,874,560-mik nappaktirutikhaanut umiakmik, unalu Kavamanga Nunavut niuviliqtuq \$263,000-mik akikaktumik tamayanik.

Kavamanga Kanatami ikayuutaa pihimayuq uumanga \$85 milliat Canada Economic Action Plan-kunit (CEAP) ikayuutigiyaa. Munariyauyuq tahapkununga manikhakvianit Arctic Research Infrastructure Fund-kunit, havaktauyyuq piliuqhimayuq nutaanguqtirutinirmut ihuaqhainirmullu qauyihainirmut iglupakhat tamainni Ukiuqtaqtumi malrukni ukiuni.

Umiak angitilaanga imaatut 64 feet-mik takitilaanga. Naunaitkutauniaqtuq puiguktakhaungittumik havaktaunahuaq talvunga Kavamanga Kanatami upalungaiyautaani angmaktirilutik Ukiuqtaqtumi angiyuq pittaaqtangit. Ukiuqtaqtumiutat ilauniaqtut aulatjutinut munarinirmullu umiakmik unalu Inuit ayuiqhaqniaqtut hinaani ikqalukhiurnirmut tahapkunuuna Nunavut Fisheries Training Consortium-kunit havaakhanut.

Kavamanga Nunavut kanganuaq tunihiyut kaatraamik talvunga Glovertown Shipyards, Newfoundland-kunit umialiurianginni. Umialiuqtut tatja havaluqtut. Iniqniarungnaqhiyut uumani Tarium Hikutirvia 2010.



Indian and Northern
Affairs Canada

Affaires indiennes
et du Nord Canada



Canada